



Bosna i Hercegovina  
Federacija Bosne i Hercegovine  
Kanton Sarajevo – Grad Sarajevo  
**OPĆINA CENTAR SARAJEVO**  
**OPĆINSKI NAČELNIK**

Broj: 02-11-3575/20  
Datum: 31.05.2021. godine

Na osnovu člana 69. stav (3), člana 70. stav (4) i (6) Zakona o javnim nabavkama Bosne i Hercegovine ("Službeni glasnik BiH", br. 39/14) u daljem tekstu: Zakon, člana 25. i člana 69. Statuta Općine Centar Sarajevo – Prečišćeni tekst («Službene novine Kantona Sarajevo», br. 23/04), u skladu sa Obavijesti Službe za investicije, komunalni razvoj i planiranje od 25.05.2021.godine u vezi postupka javne nabavke za nabavku i ugradnju punionica za električna vozila, putem konkurentskog zahtjeva za dostavu ponuda, a na osnovu prijedloga Službe za javne nabavke, zajedničke poslove i informatiku, Općinski načelnik d o n o s i:

### **O D L U K U**

**o poništenju Odluke o prihvatanju ponude ponuđača „ENERGOINVEST –SUE“ d.d. Sarajevo broj: 02-11-3575/20 od 08.08.2020.godine i poništenju postupka javane nabavke i ugradnje punionica za električna vozila, putem konkurentskog zahtjeva za dostavu ponuda**

#### **I**

Poništava se Odluka o prihvatanju ponude ponuđača broj: 02-11-3575/20 od 08.08.2020.godine u postupku javne nabavke za nabavku i ugradnju punionica za električna vozila, putem konkurentskog zahtjeva za dostavu ponudu, u skladu sa članom 69. stav (3) Zakona o javnim nabavkama.

#### **II**

Poništava se postupak javne nabavke i ugradnje punionica za električna vozila, putem konkurentskog zahtjeva za dostavu ponudu, u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke, jer se nisu stekli uslovi za provođenje Odluke o prihvatanju ponude broj: ponuđača „ENERGOINVEST –SUE“ d.d. Sarajevo broj: 02-11-3575/20 od 08.08.2020.godine.

#### **III**

U skladu sa članom 70. stav (4) i (6) Zakona, Općina Centar Sarajevo, kao Ugovorni organ će ovu Odluku objaviti na svojoj internet stranici: [www.centar.ba](http://www.centar.ba), te će se Obavještenje o poništenju javne nabavke objaviti na Portalu javnih nabavki.

#### **IV**

Ova Odluka će se dostaviti svim učesnicima u postupku javne nabavke.

### **O b r a z l o Ź e n j e**

Postupak javne nabavke i ugradnje punionica za električna vozila, pokrenut je Posebnom odlukom o pokretanju broj: 02-11-3575/20 od 26.06.2020. godine. Procijenjena vrijednost javne nabavke bez PDV-a iznosila je 17.000,00 KM. Nabavka je pokrenuta putem konkurentskog zahtjeva za dostavu ponuda, sa utvrđenim kriterijima „ekonomski najpovoljnija ponuda“ 1. Cijena 70% i 2. Rok isporuke i ugradnje 30%.

Na Portalu javnih nabavki objavljeno je Obavještenje o nabavci broj: 848-7-1-125-3-106/20 od 29.06.2020.godine. Nakon objavljenog postupka i tenderske dokumentacije, izvršeno je javno otvaranje ponude, te je na prijedlog Komisije za nabavku roba, vršenje usluga i dodjelu radova donesena odluka o prihvatanju ponude ponuđača „ENERGOINVEST –SUE“ d.d. Sarajevo. Na Odluku o prihvatanju ponude uložena je žalba jednog od učesnika u postupku javne nabavke, te je ista odbačena Rješenjem Ureda za razmatranje žalbi BiH Filijala Mostar, kao neuredna. Nakon pravosnažnosti donesene Odluke o prihvatanju ponude ponuđača „ENERGOINVEST –SUE“ d.d. Sarajevo, Služba za javne nabavke, zajedničke poslove i informatiku je dostavila Ugovor o predmetnoj nabavci u Pravobranilaštvo Općine Centar Sarajevo na mišljenje dana 06.08.2020.godine. Pravobranilaštvo Općine Centar Sarajevo je dana 07.10.2020.godine dostavilo ovoj službi mišljenje za dopunu dokumentacije koja je propisana odredbama Zakona o prostornom uređenju Kantona Sarajevo. Dana 25.05.2021. godine od Službe za urbanizam i zaštitu okoliša dostavljen je izvještaj urbaniste da nema provedbeno planske dokumentacije. Isto tako, Služba za investicije, komunalni razvoj i planiranje dostavila je obavijest da su nisu obezbijeđena sredstva u Budžetu Općine Sarajevo za 2021.godinu, odnosno ista su umanjena zbog nedostatka sredstva i planiranja Rebalansa Budžeta. Novonastala situacija je izazvana pandemijom Coronavirusa, odnosno nedovoljnog priliva sredstava za ove namjene u Budžetu Općine Centar Sarajevo za 2021.godinu. Iz navedenih razloga, Ugovorni organ nije zaključio Ugovor sa izabranim ponuđem, odnosno nisu se ispunili uslovi za realizaciju istog. Na osnovu izloženog, Općinski načelnik je prihvatio prijedlog Službe za javne nabavke, zajedničke poslove i informatiku, te se postupak predmetne nabavke otkazuje u skladu sa članom 69. stav (3), zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke. Ugovorni organ, na osnovu dokazivih razloga otkazuje predmetnu nabavku, jer se novonastala situacija nije mogla predvidjeti u vrijeme pokretanje postupka ove javne nabavke.

Kako su kumulativno ispunjeni uslovi za otkazivanje postupka predmetne javne nabavke, postupak se otkazuje, te će učesnik u postupku javne nabavke biće obaviješteni o istom.

Iz navedenih razloga, primjenom člana 69. stav (3) Zakona o javnim nabavkama („Službeni glasnik BiH“, broj 39/14), odlučeno je kao u dispozitivu ove odluke.

**Pouka o pravnom lijeku:** Protiv ove Odluke može se izjaviti žalba Ugovornom organu, najkasnije u roku od 10 (deset) dana od dana prijema ove Odluke shodno članu 101. Zakona.



**Dostaviti:**

1. „ENERGOINVEST –SUE“ d.d. Sarajevo  
Ul. Tvornička br. 3 71 000 Sarajevo,
2. Advokatu Oruč Aliji, punomoćnik iz Sarajeva, Ul.  
Radićeva br. 2,
3. „NEXEN“ d.o.o. Banja Luka,
4. „ELEKTRIKA S“ d.o.o. Sarajevo,
5. „SLT“ d.o.o. Zenica/Podružnica Sarajevo-Ilidža,
6. Pravobranilaštvu Općine Centar Sarajevo,
7. Službi za javne nabavke, zajedničke poslove  
i informatiku,
8. Službi za investicije, komunalni razvoj i planiranje,
9. Arhivi.